





見素林先生詩集叙

詩三百篇之後漢魏以迄唐

宋極與代殊人各以所長著

專門者無慮數百家其稱

大家為世所取兼論其人不

專於其詩也古詩人多出因





夏懋等之餘其功業軒揭與文  
名並著者不數見豈造物  
者有所靳而詩多窮人之誠  
是言耶吾友見素林先生  
自為秋官部疏誅妖僧攻屢  
監力犯逆鱗逮竄尋復忠

鯁之名名天不言官大臣屢薦  
上庸趙先生屢謝有終焉之志  
蜀監鄢方曾為棟特起專征  
所向蹟効卓，一不合亟請老  
蜀望畢功中外想望其風采以  
頌其出詩歌所屑專而天公之



涉以學力馳騁百氏而一枳於經  
朕口肆筆有專門所不逮者余  
嘗見其初年詩甚清遠已而  
宏衍浩博日大以肆久乃刊落  
華藻盡波縱恣隨意所如者  
超然自得之趣雖時出險硬語

卒不踰桀獲而古意獨存不似  
諧時好而一時稱能詩者莫之能  
逮也殆將與其可樹立並垂於  
壤間昔張曲江在唐王梅溪在  
宋皆以風節高一時而擅名後  
代二公澹然無所好顧喜為詩



劉須谿評曲江詩高爽沈着  
梅溪之詩紫陽朱子稱其厚  
質直如其為人先生謚言勳力  
不殊二公而信乎盜賊忠憤結  
將佐以戲真亂略而蜀漢寄  
命顧二公所來者其喜吟詠

越脫凡俗又適相類雜音節  
詞調小者異向弗計也謂先  
生為今之曲江梅溪夫豈不  
可先生伯子達以鄭師海所  
輯先生詩求教余先生已集  
知已四十年者所倡兩州互相指



摘不少隱集中所載醉白略  
可見叙不得而辭也至論其  
文碑板流四方封趾收史局懷  
負歎為于斯乎託當別有傳  
之者茲特著其詩云爾

正德己卯夏五月望光祿大

夫柱國少傅兼

太子左傅吏部尚書

武英殿大學士知

制誥兼

經筵官致仕石澗楊一清序



見素詩集卷之一

四言古

懷待育待受用陶停雲韻

有棠者華  
霖霖其雨  
中心孔懷  
原隰攸阻  
獨寐寤歌  
倚梧晝撫  
受而弗見  
養養停佇

陟彼崇岡  
宿靄其濛  
安此懷人  
有酒如江  
觴罍載洽  
晤語西窓  
殷斯勤斯  
昕夕爾從

入此室處  
庭荆載榮  
樂孺君子  
可以娛情  
翼翼飛鴻  
假宇修征  
孰曰兄弟  
不如友坐

南有喬木  
蒼蔚其柯  
念茲素風  
式惠且和  
存生如





夢閱世豈多日月逾邁各為將何

獨遊用陶時運韻

宿雨斯霽晨風鳴朝駕言出遊樂彼之郊  
雲依依紫霄巖卉木時蔚黃精載苗

南有濕原攸鹿濯濯晨憩于林  
纒茲遐矚景澄物熙水飲恒足  
挂索槁如行歌自樂

采采春服言笑浴沂載欣載息  
日夕將歸好鳥時鳴幽絃再揮  
孤風緬邈既獨焉追

林薄靜念爰返我廬山滅餘景  
天宇曠如引滿自酌清歌擊壺  
長生誠樂夙好非予

責子用陶榮木韻

上天曰明黜黜在茲温恭君子  
百禄綏之日居月諸壯感義時  
馳勉從事夙夜怛而

鬱彼樹禾言固其根靜養弗售  
閱世恒存寄懷箕山高傲鹿門  
冲謙晦默斯道用敦

俗有汚隆世緣習陋沿襲孔般  
皇風匪舊吁嗟小子厥齒伊富  
罔弗在初內省靡疚

洪流絕壘嚴緒云墜惟萬物靈  
靈豈曰無畏白首紛如感茲  
騷樂人亦有言聖賢可至

悼文宗儒



甲午文君宗儒以進士出宰入署馬永而南時方襲解池君鈞剔群弊多連近要建白義激而盡在告六年即家拜溫州郡守書來告我以不欲安于溫之意時在治一年爾又數月而計至久之聞溫人謀君葬事良勤而一郤于壁君仲子也既悼君而賢碑直厚溫人詩曰

若昔文侯出蒞來嘉殪彼猾黠落其紛拏兩造縣庭縱觀無禁萬目敢私人則歌詠載移博平農力  
三精伐梨杜源秩秩績聲

帝曰汝林殿我風紀比入中更南丞馬寺要地而涼振舉由人候奮汎之百為競新十事三策

孝考曰都言庸事叙身疾人扶故政在溫人誦萬

帝念溫人爾其予守黽勉就道聲先至之實先副之人先毗之公不安溫溫則安公攀卧號呼留及兒童宿留床褥兩楹在殯溫人哭臨大小哀盡來賻來賙有腴君儀孤郤之盡而以喪歸維先有承維後有述世短用違公乃瞑目

東山詩有序



東山劉先生在

孝宗朝獨被眷遇聲名重華夷初公在兩廣北虜  
孔棘俊以詩言于大司馬均陽公曰公後  
亦東山以地也公忠實則司馬公善處大  
事則王文正韓魏公休休樂善房相後一  
人而已俊何人辱同薦剡同

旨特召用踈迹而心在公公亦未竟忘午俊也來

書曰東山可無見素詩謹致景行云耳蒲

田林俊序

維東山水樹蒙密清陰四時作我家室既雨而旋

悠揚自逸東山之雲以景以喬

維東山丘夷水環何以置之芬苾之間村醪時撫

秋英獨餐東山之草以蕙以蘭

維東山綠野斯堂高梧踈篁雲水之鄉載詠而歸

言笑虞唐東山之鳥以鳳以凰

維東山林壑不辱叢山之幽桂樹沃若菊有粟里

桑有杜曲東山之人有美如玉

維東山休休無前昔在

孝皇朝經書肩言則溫國言則陸官東山之友願  
與執鞭



維東山澤名不易扁舟五湖

天子之賜我思其人以寤以寐千里雖遠岳麓可至

維東山澤澤甫田獲稻斷壺肺鯉及鱖介此春酒以歲以年天錫難老東山之仙

右東山七章章八句

五言古

題畫

地幽拙言詞頭白猥生理獨樹風正京月出大溪水

竹石

塵縛非夙心天遊且孤客便須百尺茅題詩千尋石

宮詞

雞聲素月京閒庭引秋扇脉脉明鏡前君心如妾面

天池寺

赤脚太平船便踏太平境歸來語耕農驅牛赴鄉井

匡阜高乎危下補天南缺我欲飛香爐俯身拾明



月

題扇中畫

天巧幻真圖造物亦老手何處卷清風江山在吾袖

漫言

歲熟卧捧腹草暖起抱犢境寂噤不語四水流我屋

福 稚竹密走砌乳水暗溜谷秣釀博軟飽大睡領厚

草短白鳥下日色澹四野喻指觸意妙筆舌不可

寫

草 事會有妙造悟寂果至道自倚介石性不剪似意

竹松

入 月來雲氣昏夜靜濤聲急白石久無眠千山鬼神

次韻題畫

犬 境寂白晝長山深市塵遠薜蘿何處家雲中白雞

江清野樹寬月色秋雲薄桂花不見人流水聞我



屋

耕漁對

一絲博長醉月挾江風清長鏡底自忙歲歲春草

生

登塲了公租蟠腹對妻子四民士乃先七月農伊

始

化居迺交貿而我將無同渭濱後莘野百世齊高

風

麥飯投魚羨一飽良易足班荆話襟期嘯傲山水

涿

題畫

獨屋芝草香蘅門落松子輕舟泛芙蓉明月在秋

水

龍

翻身掛魚蝦家氣小六合風立海門高平津變頭

角

秋齋為周彥通題

暑伏涼又生蟲聲未葉故壯日苦難常翻書落寒

盡

天空絕度鳥西崦日斜夕簷壓海月孤門外江寒



碧

情事一流水光景不可借何處天雞聲攬衣起長夜

孫知為雪梅鵲兔

陰風生峭寒晴江帶冥漠山鳥寂無聲天花住還落

雲庄雜詠

薄與人世謝耻獨不耻獨倒關一脚眠白雲共我屋

荒居寡人用草棘易蒙密白雲作師驅使我與雲衣

食

孝思亭

遂遂復陶陶形神兩頤冥一筋非昔嘗祭豐不如薄

起生亦何神孝子在不匱道矩奉周旋心與天日對

見素祠

石合龍據絕巘赤日雲常濕我欲斷機緣不放雲出入

臨滄亭



古樹棲素雲陰蘿覆蒼壁潮來海氣腥子夜見初  
日

三影池

天乙會百靈方池此淵靚移來小窠瀛冷浸三峰  
影

隱屏

柵葉行素屏綠膩偃荔蓋仙俗兩置之——隱天所  
待

倦還

鼎食魚坐口鴻冥弋何慕相呼各歸來意慵日將

暮

齋房聽雨

大明謹歲事稱禮王正月回颺清路塵象緯羅  
天闕苾苾萃精意

玄衮嚴對越真機連化元休徵感飄忽簷牙動陰  
翳月色歛已沒輕沫弄霏微寒聲聳毛髮及辰天  
氣佳披衣坐清樾豐登諒其地素抱開結惰獨往  
候東菑浸淫土膏發

擬古用韋蘇州韻

出門有所適駟車長林端疾藜翳古道登岷阻且



艱綠陰下啼鳥夕陽在空山有酒不得將芳賞  
獨難抱飢坐孤石流雲渺無迹谷泉通暗聲  
稍棲息緬懷千古心僅此一閒易迴策  
惜人語虛堂海月白

鄒孟世不作魯風日頽靡荀揚後文軸  
珠璣填抵裏董生闔門戶昌黎亦後齒  
卓哉元晦翁大成集諸子扶輿夙有鍾  
混沌良未死

送陳侯軒石峰之弟

檄書晨夜急戎馬多摧殘蘭陵感歸棹  
烟水生來寬綠幙朱夏靜客子催征鞍  
程期重王事路遠安

辭難秩散固恒分例豈一丞看醉掃松風石  
取琴為君彈

送李卿式入觀

林葉下策策馬鳴風蕭蕭去住各耿耿水樹天  
迢迢霜前感候鴈欲寄書仍遙大明麗日月  
瑞靄彌紫霄敷納虞周際萬國今四朝君行  
為民告靡救曾自聊愁結化為疹疫氣流未  
銷入春早無麥螟賊傷我苗登塲穀翔涌雞  
犬村寂寥蠲租望漢詔延頸心摇摇君行幸  
母遲君歸幸母緩待哺聲嗷嗷腸枵日不短



元日次山齋韻

擾擾徒自勞生世不滿百分掛目所權此景能再  
得小桃日又花歲月去無迹相仍物候改祗深衰  
暮偏直鈎諒無魚終免詭遇獲人心固明晦天道  
絕頗側起立東風前玄冥有行色

用韻述懷

山火開人文立言動千百紛紛群籍中彼此相失  
得往哲日以遠六經系陳迹少習居矇然老大苦  
已偏譬如航廣川涯涘猶未獲白浪突前湧魚龍  
時在側問濟心云何風蓬轉寒色

送葉東瀛

漠漠庄前雲齒齒松下石林父有好懷雨晚禾亦  
碧出懶動私慰掃軌復誰客適從天上來會有留  
司役首聚那得知解衣話疇昔荔熟正滿眼照我  
青霞宅別譜符前問摘嘗經累百色香特高品風  
味良自得它日江南人此景徒夢索

松巖為王伯和作

落落崑崙上松磊磊松間石石也尚依如松長幾千  
尺相語不相妬率性良所擇悄然萬象秋對此餘  
方格特醒起群醉慘凜如慣客枕根動疏響隱與



人世隔明堂豈無材莫取匠石卮

乎齋

蕙纒徒自營大樛日以遠譬之東逝波一去不顧  
返中虛抱靜念所嗟歲月晚良人事遠征風水日  
繾綣魚龍為之馴廣川怙而穩至音諒斯世周行  
有歎坂廻棹湘江湄幽芳彌九疇

見素詩集卷之一

見素詩集卷之二

五言古

南莊別野

塵事日窈冥見山趣還好漁歌錯昏晝沙石淨如  
掃舫舟散素襟文字時探討寢迹衡郭下牛計亦  
草草愧乏東平瓜獨有安邑棗開春理薄田即事  
起常早寨樓村烟夕滄海白浩浩好爵不自縈名  
聲此中老

送曹時中僉憲闕字韻

步步陟峯岑攝衣就林樾盈盈汀上草灼灼方花



月感念意中人駕言向

天關供張雜觴壘歡愛情靡竭餘酣發清嘯英風  
竦毛髮雙輪過目烏晴陰變飄忽舊倚失蕪陵蘭  
軒坐孤突寒芳信所糾芬菲竟奚物前程諒爾多  
維車待明發

又去字韻

澆漓不停鼓世路若飄絮要以古人中曹也斯其  
庶至性若天成豪吟恍神助筆精妙占草盛麗不  
曾覩純道命爾爲德立時方遇逾紀紆宿銜百程  
走遠署吾亦倦遊歷對君日成趣聚首必論詩藝

蘭卽遠曙詎諒匪虛步武幸依摺佳集易辰參  
同來鮮同去美人在秋水耿耿欲誰語願言夜雨  
聲莫緬曾遊處

送張進之分里字韻

雨帶出門簿書坐填委故人在隣壁契闊若干  
泥深沒馬蹄苔滑封屐齒短舟不可刺高樓時  
倚平明赤日出六衢尚流水相過卽相別悵惘  
徒昨指倉皇乏供帳瀕江薦芳芷庭空素月輝攬  
袂一再起

雪中紀懷用孫莎菴秋官韻



倚居謝塵擾閉戶不曾出頽然而土墻孤陋竟誰  
質猶嬰原憲貧寧愈長孺疾奚奴具麥仁稚子煨  
橡實麤豪恣一飽臥起翻書帙同雲雪正飛寒深  
指如失先聲逐霰回舞勢隨風逸初驚兔忘踰旋  
覺鶴沒膝三峯頓爾高皓彩是虛室生涯桂玉盡  
舊雨來何日走書坐乞米猛省呵凍筆桑女抱機  
啼一斗綃幾匹青樓步障深此意憑誰詰老夫見  
之恠俛仰增縮慄玄天默且幽欲往問冠鷁未饋  
杜甫桃擬斷徂公栗乾坤固吾事况乃叨半秩  
攘兆信占晴陰事豈必香銷夜漏沉懷多語難悉

明當理十歲為君紀一一

題鳥為周通府作

玉露下秋爽鳥啼木葉乾同族抱奇秀白日明羽  
翰豈不在喬林愛此青琅玕

辭家

辭家遠行邁日日走山水掛席受順風遵途覓舊  
軌瀉心一鏡秋寓目數峯紫苒苒喜獨林孰云非  
信美顧茲所歷人乃非曠達士大信不停馭老至  
畜深耻秋蘭日未花願言撝芳芷

和昌黎合江亭韻



百齡感驟驥閱世事恒左達人會大觀榮辱等一  
唾有美昌黎翁開發神所佐文章備衆體大曾籠  
百貨悟道千載餘董賈軼而過詩律多恠語清硬  
仍頻控珠璣互錯落薑桂此交和乾坤俛仰間屈  
指能幾箇才高數貶官時命增困垓鳴琴宰山陽  
矮屋便坐臥刑侍秩屢遷仕優學仍課鳳翔佛骨  
入茲風已容那當時皇甫流肉食且懦慄慨獨  
公表烜赫名逾播赤身赴潮州白日走飢餓精誠  
開衡雲來占諒茲賀合江敗踣過壯志靡頽情臨  
池發豪興急讀驚四座信道良匪難紛華久勘破

紛紛眼中蠅壁也豈容沈

湖南留別沈思古諸公用杜陵奉先詠懷

韻

鑪錘謝陶鑄物性自工拙大都任其真奚以拘巢  
契巖廊風雲壯江漢烟水闊窮達各異趣野尚莽  
軒豁我思泝滄浪嗽齒吐毒熱輕鬣髮毛爽鼓柁  
歌激烈今年苦蛙夏抱病彌兩月沉冥錯昏晝幾  
與生死訣乃感見素期載違心若缺平生林壑分  
此意寧使奪便欲往會稽陟巘探禹穴先之憇五  
老白鹿訪李渤解帆泊金椒天姥亦再謁袖揮倦



雲還目送孤鳥沒扁舟鳴夷子五柳陶靖節蒲陽  
吾家住山水故清絕荔根枕石臥起舞荷衣裂木  
蘭戰宵雨凌晨溪漲發滄瀨備朝飧方曾手親結  
羸餘博小醉肩峯簪岷嶽杖藜隨春風屐破紫苔  
滑青崖翠森爽野鳥喧嘒嘒烟波釣徒張洞口真  
人舊憶昔同學翁瀕老尚短褐當時鳳樓千頭也  
皆讓出一第屢遭迴什食間九闕或僅秩師儒五  
斗給存活或更遭敗踏長怨冤造物捫心竊內觀  
焉得不兢慄寒門宿儒素敢疑王謝室無術既所  
歎蒲柳况弱質即非燕石珍寧免玉門瑟罷辭拂

時好如牙倒酸橘猶幸涵淳源老未脫風骨衷懷  
向同志披寫聊短述大夫出處節賢聖固執轍乞  
燔爭齊良喪足誰魯兀完名造化憎貞剛古易折  
感此中夜興繞牀走勃率二親况老大音問阻閩  
越昨者延津見頭顱駸成雪以茲夢寐懸歸心重  
若渴詎庸竊孤高薄亦見始卒痛惟

二聖恩未報重嗚咽昔年官秋曹上書論曲折迂  
談雜繆悠詞氣多急卒名位素卑微所樹乏勳伐  
顧蒙疊勸眷豈止畧瑣屑大馬才力微中愧洛陽  
卒周家仁厚風作詩備采摭



大雷雨晚晴用子厚遊石角韻

拘繫激塵埃迴輶息余生東軒翳夕景拄策經丘  
行溪葉暗山雨流雲疾卷旌迅雷驚蹕令神斧司  
天刑木石觸破碎鋒利不可迎禿魄走魍魎頗悉  
幽隱情皇靈蕩六合清飈馭前征浮陰迺消伏奎  
壁宣文明境寂群動息新涼鶴鶴鳴海樹上素月  
迥野田禾平石泉滴暗響飛螢來去輕雷連俯欄  
檻采采林木榮斗極畜遐思居然葵藿誠蒼生豈  
不念茲意在躬耕

輓張無素黻用司馬通伯韻

勞生念精衛填海日爲心顧嗟風力短暫止西山  
岑崩波依然至木石不可尋羽毛感枯悴長觜鳴  
哀音中宵變惡懷涼氣生我襟銜淒坐空宇惻惻  
驚陸沉陰風厲庭樹巨寶喪其琛同舟抱中歎涕  
淚川爲深百身信可贖奚啻千黃金旋復會有盡  
明發已非今賢達恐不免庶以命自任

送王憲副用檢之貴陽用東坡韻

羈遊感物候密葉鳴幽蟬江寬葦蒲淨莽蒼浮青  
烟西維銅柱外驛路開叢巔騶從出木杪電熾空  
中懸應接境不暇此行多登仙顧獨困兵燹子育



須時賢禍曹有均責政平聞醴泉素桐落踈響月  
清夜聯娟別堂悵疇昔醉語風翩翩白骨穢荆杞  
勒功重燕然

送陳僉憲用東坡感舊韻

報答重意氣鐘聲別未央玉鞞寒曉月駁驢關山  
長巖巖寫丹碧解宇清僧房地暄等冬春江雨作  
夏涼檀輿記宿歷廡廡百盤岡深懷亟將事倦極  
中頗忘迹孤時斂怨雞犬幸少康滇俗羅棘溷十  
村九無糧流土恣駟挾殺越干刑章治標盍端本  
君行厲風霜害苗盡稂莠嚼蠟應細嘗悠悠千載

心臨分爲傾降

挽提學僉事宋孔時

長風海上來凶問到值早惟時百不信悉聲爲君  
保人生鮮根蒂神理當白皂湏之兩月餘眠食恒  
懊惱嗣聞得代報頓足愁衝腦君生有至性君養  
有素抱君藏有陽秋蒐獵工據考教規飾吏局翻  
覆看愈好猶如古元璧具目知國寶居中不盡售  
外置才已左胡爲磔砢姿脆弱同乾稿丹旌過行  
雲落日移遠道故舊難爲心石麟易秋草吁嗟仁  
壽言置之勿復道



送黃邑博科之新會用諸葛亮梁父韻

見晚符昔聞名聲至州里才高遠早遇牝牡紛宿  
似乾坤吾道心中行二三子藜炤浮冷烟文光動  
炎紀荒楸三尺墳白沙故處士勿伐語縣官清陰  
世孫子

大風述五十韻

弘治壬戌秋七月初三日嵩呼齊百官

孝陵祀甫畢黑風東北來勢怒聲甚疾惡雨亦尋  
至寸途昏抹潦顛倒不自持僕夫逆相失狼狽扶  
至家搖喊聞我室鞭笞走雷霆百恠紛宅叱漫空

尾石飛偃樹蓬麻空屋卷是處茅門飄縣時華司  
時地亦震江濤怒翻溢次第舟破沉居人死如蟻  
老夫心膽寒魂去增股栗隙穴底逃藏鴟鴞有縮  
慄抱頭語妻子脫計從何出舉家婦僕啼百苦難  
具述嗣聞

皇陵風於此差甲乙

聖人謹天戒成憲躬祗適叶氣符嘉生泰和薰堪  
必留都地根本是日辰元吉災沴宜有因神理當  
致詰文武無具僚飽廩從自佚勳闕出綺縠提兵  
絕紀律詞臣弄文字致主荒儒術宦戚莫誰何弊



紛不可櫛元宰移藻衛內降行親暱司徒襲箕會  
誅求盡纖悉司空任土木宮觀輕萬鎰司馬累商  
教武備弛六七胡騎乘我虛苗蠹工未聖理官窮  
深文平反幾陰隲鉗鉞百毒具寬苦奚顧恤宗伯  
縱非鬼交神乖寅秩東醮與西齋民艱靡周賙大  
官敝供輸瘠瘡積千姪歲額外取辦逋責書盈帙  
臺諫風望頽孤寒違承嗣流及焉五窮免狡公三  
窟國學硤璞溷虎皮居毛俗競淫靡奢詔動  
相率干紀輕毫毛微臣致誰則尤乖舛  
臣第一丘山罪戾浮醜初意雙膝良非策免例自

劾甘首黜

吾皇緬法

祖弭災重以實虛已開延英屏障申無逸深資共  
濟舟細理不調瑟厲精攬乾綱三五平超軼妖祥  
一反掌德聲前置驛物阜風清夷政和民寧壹載  
歌雲漢篇今古光麟筆

挽方在璞舉人道卒時伯兄舉人亦卒

出門岧遠道垂老雙在堂入直眷兒女去去能無  
傷長空渺秋葉鴻雁居雙翔哀鳴不自定失羽懸  
江鄉樂志委逝水黃土餘文章鶴陰絕子和老淚



摧中腸隣笛平夜感舊雨天茫茫

歸田用白居易韻

其一

林屋雨新霽鳥鳴庭樹端無情作閒炒醒夢枕上  
仙披衣倦梳洗高日行半天緬思身自由無過還  
舊山平峯四回合野水春彌漫香芹給晨飯隣父  
時追攀口衆安所論關心理秫田

其二

駟犢下長坂歷歷隨所如還身語語歸婦乘手關我  
廬甚真新禾夜連雨青青忽盈畝植杖掛殘笠拾草

同耕夫官書二十年野意猶昔初食力重恒分篋  
箱况無餘眼面畢兒女安期擔石儲農服翻院袍  
泥水沾繡裾猿鶴有前化身物能故予棄擲不足  
念帶經聊負鋤

其三

沙田薄且漏惜水如惜玉槩以工力論滴汗酬一  
穀晨起雲油油長風過來速常時雨已晚愆陽况  
在伏流金襲餘威立死連灌木念此脆弱禾乾枯  
半堪束樵牧重無賴取便走成陸隣翁猶醵錢買  
醉分社肉枕肱笑相語官租勉供足順成看明年



失馬知禍福中天懸日月下土思照燭居鄉風雨  
時均免溝壑辰

東園翫菊用白居易韻

假舟渡淥水步屨循東闌懶遊動旬月及至荒吾  
園淡淡兩松徑秋高草棘寒惟餘數行菊風雨多  
摧殘踈花間黃白錯莫低垂間細數各星布慣看  
轉雲連埋名舊書蠹文史多拘牽對此散幽鬱南  
山晚悠然登高有成約近頗筋力難脫巾漉村酒  
痛飲聊為歡霜空木葉盡歲晏餘芳鮮莫待明年  
花笑改今年顏

墨竹用黃山谷韻效體

渭川臞面目寫真仗名輩湖州筆妙絕神力今古  
逮胸中填節目首闢天機會齒紙落雲烟綜錯明  
向背至今四百年墨蹟儼猶在別派聞彭城時亦  
頗追配此君疑肉食痴鈍損前愛雪蕉運老手風  
致指畫外披拂萬象秋滿堂烟雨倍颼颼兩掖寒  
玉立增意態真性慕清脩不作桃李對涇渭源則  
殊邾小非齊大

題一般春得隱字

淪老負心期撫牀弄微軫天空暮雲平歸鳥沒欲



盡憶別江上春鞿懷不可忍北山夜移文叢桂亦  
招隱廻輶息余生林臥觀朝槿

送徐大參廣賢用謝靈運相送方山韻

幽絃久不調繁響散踈越茲晨抱就君蘭生水初  
發橫膝弄孤操松枝猶曉月瀕村風雨仍芳意重  
消歇逃虛出門懶勝賞心恒關報章條何來達路  
經此別日高動征輪遠宇衆星茂

抱獨用陶連雨獨飲韻

儻來寄事外為樂餘荒然及去諒非我棄助觀奚  
闕運生有程限閱世誰當仙鳴鳩逐其侶晴雨

異天庭柯旣榮悴達志明幾先遂初謝藩相隣父  
疇往還藏身水雲際濁酒忘歲年採菊日盈把妙  
領心忘言

春榮與秋悴時化居則然人壽異金石千年計將  
闕真形不自煉雞犬誰登仙勞生會有息委運安  
吾天長鴻鳴矯矯歸與尊鱸先世食豈不念短楫  
蘭江還野次芳菊晚殘易消餘年在酒有何好莫  
漫醒人言

樂府

飲馬長城窟行次漢



萋萋吟山草遙遙登遠道獨策有所思展轉莫致  
之缺月照我傍並影流江鄉江鄉三戶縣一一想  
可見先廬凋秋風絮被蒙孤寒戍衣絕遞送吞恨  
將誰言

長歌行次相如

青青河中蒲晨日露易晞微風動綠葉疑疑搖晴  
輝磨滅時節改容顏驚漸衰玉關消息斷青霜鴈  
來歸木落四壁暗飲淚徒辛悲

賊平用子美春陵行紀事

蓋鄆之賊起於賊臣瑾瑾成於某某欲

誅劉東山某意也

賊臣密禁網士夫多連嬰出門即深礙重足艱意  
行虎初尚未翼群狡相和成操文互攻伐利汨曾  
計名私門大如市百有無中生七十買鈎脫推剝  
容人情民惟國之本賢乃邦之植成南轉者北居  
勿恒守經受命松栢正鼻眼安同橫晴陰蟬息異  
苦道良日星分寸不可越况此容逕庭醫瘡剗心  
肉賣殺苗方青民窮盜宜所三省煩用兵永終諒  
知澈觀火心分明纍纍長紐南粵餘請纓山莊  
辱使命走野兒童驚西川事



當宁懸廓清跪讀淚暗墮宵軒塵

中廷馳策口數驛匝月寒孤城摧堅自有士以杖  
曾代楹跳梁屬蕩掃烏盡風巢傾圖幾重制治復  
霜動宸聽

讀吳東周塾江志

偶閱魏安志得了東周作草澤豈無人雞群聳孤  
鶴野氣絕烟火世機閒脫落大隱宜市廛胸中自  
丘壑源流歲月深經子收辯博數篇東觀平光恠  
相鋒鏗靜脩莊列門襟懷邵安樂我今老復病師  
成主歸洛安得輩流人山巾共林薄再和淵明詩

草堂水西郭

借高都憲文明登渝城五福宮二十一韻

南平遯豺虎戎驂歲三駕灰寒信復燃殘葉掃却  
下流脂野草腥白骨相枕藉益州故陸海兵燹禍  
誰嫁一復數宜然捷連天所借衷腸稍解結刀斗  
猶夢怕小隊闕崖城名區偶乘暇奇峯四環合玉  
立相匹亞岷峩滙雙流晴光隱蕩射市闌次萬鱗  
烟火開甲舍磅礴氣隘鬱都會歷幾霸宇縣入  
皇圖江山倍光價元樞房杜傳文軸陶與謝祇今  
鄉國評人口猶膾炙寓目符昔聞屬事同悲咤西



風野哭哀十食九無夜微命寄鋒刃忠盡盡鶴化  
五福備龜疇壽星照華夏

聖心重邦本寬大行漢赦時清化日長崎云翻啖  
熊防秋絕點兵大田詠多稼

遊鼓山用蔡端明林繕部韻

遊走速老大茲山仍面目屏嶂高遙空閒雲宿晴  
麓潮洗石根虛透迤轉深谷窄蹬幕羅鷲眺遠翻  
入屋峯回騶從喧雉驚起叢竹及曠迎白醜心境  
相漫觸烟收海氣澄荒荒動遐矚青節老友醉反  
面看懸瀑西崦夕陽忙水禽沙際獨借榻受松風

茶香一綠足

披蓁歷山椒萬象送遙目天風毛髮寒海氣昏晴  
麓獨高俯衆岑靈響通虛谷帆檣帶江影駭浪來  
雪屋景曠懷抱澄盃盤動脩竹清酣百慮遠意與  
雲物觸神飛八極遊蓬萊信東瞻身世一飄絮人  
事感亂瀑峴首碑雙磨柴桑尚茲獨樂天竟奚疑  
勿以蛇添足

橫烟帶平野遠岫浮孤青羲輪輾紅日稍見東南  
溟氣機自消息群動隱叅山萬竅搜天風大音起  
飄忽凡格骨銷蛻元神飛太虛豈無幻化術少執



三玄樞試問狙狻翁黃石幾年歲乾坤閱戰爭大  
始同面背誰合八州銅鑄此雙嶼則昏黑遊上方  
軒唐雪仍白

靈源匝直宰渾沌鍾高青群峯偃其下一柱當滄  
溟濛濛元氣濕神物隱復出俯檻窺八紘扶桑見  
毛忽蜃樓帶斜日茲惠犬不虛風烟有前分皓首  
安事樞巖間兩桃樹開落自成歲豈無雙瑤笙吹  
拊黃鶴背霸業一坏土今古尚劣前風迴草樹腥  
入關海雲白

兵書峽在歸州蕪溪口

巫峽山西來昂伏知幾變扶輿轉磅礴渾沌開生  
面中擘行懸流晴碧天一線石根浪紋摺龕竇貫相  
貫穿最高巒斗間衣摺橫素練參差綴紅雪黃雲  
覆葱蒨其顛翳叢木深窈兀古殿三竅連嶽峯殘  
簡隱約見世傳此兵書異人之所撰大始畱至今  
文字磨滅半坤靈護取將赤日下雷電吾聞蜀漢  
地吳魏經百戰趙宋亦後服俘囚始郡縣  
皇明取明昇旋凱不遺箭急峽掌為平安流歌禹  
甸祇今蕪溪航下上日百遍誰悲蜀道難烟景有  
餘戀理極亂恒倚黃巾焰微煽飛書數



上聞宵旰重西眷素翁久收局

詔起填行院兵寄老一身支撐出門倦伏劔追昔  
遊征衫淚為濺辭家日千里許國心一片瀕春雨  
綿密遡峽風良便願言掃妖氛黃石授終卷

鐵門扇

漢東一舍許兩山勢廻合巨石狀城門鐵衣護周  
匝楚蜀相犬牙乾坤互闢闔當關一夫守萬馬不  
敢發叶雲龕入玲瓏元氣深吐納風搜群竅關水  
樹聲互答推蓬暫此清巫山事雜沓

送方元規

藍鄔闕兩川三省日騰沸生入死如麻

當宁紆西慮老夫起衰遲素豈韜畧具監軍幸聯  
事孫武入根據畫灰籌破恙頗牧果吾署燈踈宵  
雨涼剪韭餘風味方生太學來如馬輕灑瀕省曠  
喜成悲衫袖有斑處吾聞龍圖翁佑也實奇助又  
聞西平老元直居後繼子清逸且良文字有光氣  
勲名屬盛強致遠須弘毅門高衆目懸玉瑕珠易  
類前脩重繩柙幽伏甘自恕幸轉達適言薄理收  
書費

劔浦道中寓都憲王公績話舊



下上同一水兩舟共回泊我老公鬢蒼十年話如  
昨寓目動中感風紀良不忤嗟哉數載聞誅求禍  
誰作盜起遍州郡請公求民瘼畿輔重根本利器  
先盤錯汎掃烽塵清殘年盡丘壑

贈石溪

海樹多白雲晴峯帶寒碧秋日厲且短徒倚懷在  
昔幸酬山鹿性一懶收四益離落菊花風村醪永  
今夕繾綣情話久僕更燭屢易霜青白鴈前江湖  
念孤客

贈陳邦彥貢士白劍浦來謁雲莊因訪鯉

湖話別是篇

老至倦行後住山猶未深稍已就猿鶴結托青松  
林逃虛畢志願石徑俄車音叩關動脩竹涼吹開  
我襟后山故佳士光價先詞林白云訪栗里仙關  
便追尋獨峯帶遙抱濁酒聊共斟醉發遲暮感把  
劍時孤唵往者晦翁駕文字畱至今先生常至寒  
舍有題字  
浮榮竟何在漚梗看銷沉百心崇今德敬義同規

箴

風木為康子肅題

遼鶴斷歸期難書懶挂頰山月冷不眠雨聲戰寒



葉

音容獨杳冥人面異今昔羸將隣姬心門戶已成

立重岡日秋草風景已無昨亦知祭時豐不似養時

薄褰裳對逝水心多竟何及倚松淚紅枯風起松枝

喜雨次張白齋韻

濕赫曦弄驕蹇厄會當百六焰灼金為流通川走平

陸瓦盆老農家竈斷突無墨大田秀且好真宰恣  
翻覆宿逋未輸官新租可勝腹羸餘畢昏嫁百窘  
天柱結豈惟麻苴虞草亦不得牧在過恐撓棟在  
鼎疑覆餗齋閣一燈前展轉成集木人禱身代議  
野暴甌為幄翁張計周防福澤久未溼渾家飫公  
廩糠粳慘誰告佞暑結人旱無乃司命辱積誠徹  
玄靈豐隆輟怒轂先驅役行雲群潛起江瀆簷聲  
續夜長高隴晨沾足一滴當一珠人功助神育滌  
滌山為還餘潤被水族坦臥百憂寬公私飽歲欲  
涼生氣候平旱解不為毒民惘納公懷戚喜透管  
膜畢竟手親營焚巫在世感應天不以文雲漢思



亦熟

題衆禽圖

雲莊藏老大筆硯闕寒暑容知門外心風烟在江  
淑乾坤囿萬物得氣無纖巨地幽草木深羽族良  
地所品局限陶型文章異機杼一誰復一雄群飛  
各儔侶天寬羅網踈丹碧任容與臨流濯其毛飲  
啄如相語汗滴原上翁卒歲無禾黍

遊溪聲有聞

閱生懶作病蚤已塵事絕逃虛入崆峒曲窈窕深  
拙訪幽紫溪澗選石環清冽敗衲披碎雲新齋  
寒雪茗甌淪雨前一洗腸胃熱似聞番湖水未盡  
孤嫠血散書時添兵三藩重騷屑廓清豈無期當  
食飭常輟平蕪鬼火青欲滅猶未滅

送族弟世隆

族弟世隆與予同筆硯君起特選錄素  
謹決不負大州者爲桂人幸之

吾家賢少游辛苦同筆硯故棲昨風雨光景疾流  
電昔如連理枝今如鴻與燕我止君復飛臨分各  
回戀揮觴東海日微暈生酒面傳車促程期墓草  
家一便長空縱脩翼夜宿何鄉縣長才握大州巨



冶金百鍊理體烹小鮮乾枯待吹扇似聞柳桂間  
白羽時傳箭戰卒裹瘡痍黃巾猶未殄君行責耕  
桑勞來勤百遍清冰映玉壺倉粟填藜藿官瘦民  
則肥黃金土同賤

感知篇贈竹田次韻

奇鳥日五色天路方羽儀名聲取衆指積毀生群  
疑禍伏不自意一初起誠微因之扇長焯原野無  
復遺陟岡弔焚玉運厄當及茲十口命懸寄推食  
曾念飢蕙蘭翳秋莽麟犬同繫羈沉沉西簷下返  
景流陰靡孤眠轉難曙撫枕聊挂願何神回天手

出力相護持左驂贖同載道義非交私臨風發孤  
彈古調良所希

閨懷五首

幽絃不成聲手生欲誰訴平安兩字書開落幾花  
樹

晝長針線懶草青獨鎖門無心聽春鳥階竹傳兒  
孫

露下秋氣清夜久羅衾薄明滅燈對愁孤淚何方  
鶴

衰肥夢不真神情兩荒惚郎邊月到無將身托明



月  
鴈盡值無書懸神得先曉起步簷蔔花並夢枝間  
鳥

山水圖為山齋題

林居有奇勝聯馬經溪槁歌曲豈不念猿鳥時見  
招青松夾路徑谷口歸雲樵田磽水泉縮屋古風  
蕭蕭群峰駁寒日秋氣橫參寥霜鐘僧寺近僻情  
無紛囂解衣作小憇香茗談前朝

挽黃憲副敦實

靈方不駐顏長繩漫脩景遲暮憶會面素懷抱耿

耿臨滄水無期葉下秋江冷世觀野雲薄變幻將  
誰領山空猿嘯哀聲名一画餅

交遊若晨星布散忽銷泯運會應有期松喬亦歸  
盡閱生風前燭猝忽不可忍素車元伯心長途作  
坊畛公神諒依然雲庄夢牽引

慶息詩為左史楊曰宗作

日月感易流兒生各長大冠服滿眼前門戶填車  
盖巨挑海上花年紀同事會伯傳內法酒仲致郎  
官鱸孫曾大母前取樂故無外晶熒燈燭光寶篆  
行芳霽賀觴有餘心觸事含悲慨八千系春秋風



雨不可耐

贈歐陽西塘

海國歲年別茲山復重臨雲物不改舊宿與翻情  
深弱草有遠志古調無知音冲霄兩鴻鵠老翮還  
舊林君家盛文獻六一流至今指生竟舒縮身續  
居何心通塞太始判物機重誰尋人生會合難別  
酒聊共斟

乙亥立春

春杖鞭土牛歲紀六十四年高景轉迫老醜難自  
媚乾坤往日心筋力翻舊異風回物象新花鳥餘

意氣清溪滙平流轟轟峰含翠住山未得飽遊走  
傷近事鬼錄半同時人生命如寄神仙徒世間為  
福不在備兒孫漫曾謀清白良足遺所餘賣文錢  
盡付登山費

文峰春曉

四屋雞正亂攬衣坐搖兀起見塔上峰三五星明  
沒霞生海日早束風及晨發寒輕氣候平况茲艷  
陽月韶容轉豐臙瑞氣相凌突磅礴信所鍾十家  
九袍笏晝長車馬音香雨泥漚漚

江亭秋暮



百歲鮮常滿半生已異態矧茲一年中光景爲足  
賴金風屬暮秋百卉不可耐索落空江鄉得酒將  
誰對雲泉瀉青壁黃花重吾愛托老聊自怡天寬  
出門礙亭亭江上峰晴陰鎮常在

古洞聞雲

素性倦行役駕言尋舊棲萬選歷紆曲石洞窈以  
迷流雲翳林莽落日氣慘淒茫然鮮所見近山餘  
鳥啼晴陰故無繫散聚理亦齊乘之欲何向顧影  
門前溪西郊徒爾密甕汲終吾畦

南山霽雪

天低鳥歸盡四野玄雲合零亂花正繁長風起蕭  
颯山日勢方嚴嶺嶠清可踏玉峰一夜高瑤樹開  
周匝龕竇延白光邃窈斷塵雜寒深人語悄木綿  
重孤榻細和少陵篇風味如嚼蠟

贈順昌令

郎官列星垣出宰應百里休戚命寄之子育此其  
恃邇時殊舊觀錄錄曾足紀順昌故巖邑火種猥  
生理兵荒半逋亾萬落生荆杞柔循大化中汝南  
逝孫子民瘼重推求令使人所喜半雞等一割散  
要隨驅使吏散公庭清濯髮縣門水



雲莊叙懷答殷愈書

逃虎謝紛紜掃軌眠村莊籬跡野雲合補綴如堵  
墻來燕春屬暮松根白晝長忽在臺臣駕戾止談  
農桑歲儉桂玉感抱憂氣難揚籠鳥有遠夢落英  
含餘芳波顏竟誰問一初試濫觴當局望挽幹碧  
山晨辨香循行重邦本茲意居能忘

挽故守潘舜絃

貞松無附枝性尚本孤介匠石缺終逢斤斧良足  
貸繁公文行俱視郡有遺愛雨洽雲即聞舒卷彌  
風槩一老天所畱任世久誠急會哭故州民百贖

身可代

樂此爲黃仲揚作

亭亭江上峰悠悠門前水年光疾過客僕僕徒爲  
爾草莊雲物幽避靜雙溪淡細蒲依文鱗林風落  
松子一鶴清不鳴鷺鳥集成市朝來海氣昏暮嶼  
光浮紫枕肱石床眠濯髮洗其耳即非箕穎徒韻  
格稍相似烟丘老分深鞋襪從茲始

山行所見

連峰采靈藥石林數經過浮嵐到滅没人去禽鳥  
多晴日轉暝窳複樹垂女蘿潭影魚可數懸流飛



白波走石瀉暗響金鐵相戛摩水清螺蚌少涯淡  
延綠莎蒸靈有餘潤空樹生桑鷺籬根野舟小坳  
竹藏行高山農覓種作鱗次開渴坡適值雨水順  
歲取三百禾先期了官稅一飽消沉病眼前事累  
脫後久知如何社酒得謀醉把臂行且歌

嚴田王節婦紀

十九入君門一歲不曾滿夫君事遠征臨別意款  
款鴻燕各有歸水流不復返繁華一春夢命薄遭  
世短姑邊猶遺孩婦影燈長伴嫁被雙鴛鴦相隨  
穴中煖

嚴田仇節婦紀

唐憲副澤乃王之姪仇之孫  
出雙節卷閱之有感而作

晴雨一轉瞬花開不常好委身事夫君百歲期長  
保梅實猶未仁孤墳已青草簾前語春燕未與傷  
懷抱有生終有滅值幸遲與早孤存亦夫存念之  
憂心擣為植墳上松松長妾應老

垂老別用杜

鄉予副三數君子既晚得族子省吾充  
其至世道幸賴焉獨鄉族然哉懼予老  
不及見也詩以待之用杜陵垂老別

夕林有倦翼棲止良所安磽田差歲計蘿屋補已



完筭迸土墻短麥齊梅亦酸愁疾出門懶所忻風  
日乾松關騁遙矚僕馬來何官一詫復一喜山深  
衣裳單涼僻少鮭菜薄酒聊盪寒地爐煮黃獨炊  
糜作晨餐丈夫各有適垂老別亦難楊花亂春夢  
懷抱安得寬隨陽有回鴈寄此長恨端臨緘不能  
發仰屋徒竊嘆茲行有持贈付以雙雲鬢舒爲從  
龍霖歛之化鶴丹臨滄一席地與子畱盤桓相期  
執令節白日明中肝

次漢詩

十九首或云枚乘作

結髮話相念色衰心已離  
離嬾鸞冷粧鏡房闥居天

涯團團手中扇秋至那得知商飈振寒葉缺月行  
孤枝踟躕出門懶回回步且緩大刀或時還覆水  
不可返歸途自掩面斗帳眠日晚求情夢舊深腸  
盤未能飯

灼灼園中花孀孀門前柳烈烈誰家女深深隔窻  
牖澹澹小桃姿濯濯柔荑手青春不可常恥嫁相  
如婦委畚蒙山陽操作聊自守

青青古廟相齒齒平泉石事異安所知輪迴昔過  
客涼生倚孤樹輕雨秋雲薄神仙非世人黃綺多  
商洛



桃源無問津欲往難再索蘿屋大溪清魚鳥相窟  
宅八月無炎暑逶徑松千尺即事可述虎市喧謝  
催迫

世途紛轉軸俛仰迹已陳瀕溪結蘿屋幽靜移吾  
神榕根約田父社酒陶性真雨深春事動桑麻話  
屢申昨偶城府行渴心遽生塵桂舟日間弄秋水  
良知津勞生竟胡爲汨汨長苦辛

咸陽治宮殿乃與雲天齊不知陶唐氏三尺惟土  
階入關三月火在眼良獨悲後作盡了壯門石遺  
寡妻犁鋤把生手一步一徘徊春遲恐姑罵沾首

寧不哀雨枯工力倍歲儉稻苗稀索租縣官急無  
翼翼孤飛

沅湘日夜流蕙蘭委秋草採芳江上船欲往忘故  
道長風起天末湖水白浩浩咫尺不可隨思君令  
人老

伏枕時秋聲殘燈澹孤壁明星感東曙海樹青歷  
歷松風入窓牖吹我牀上易籬花隨意黃一醉聊  
取適

野清日色寒林莽多倦翮溶漾孤舟橫魚鳥窺遊  
迹老至貧且懶涉事如縛輓買山無一錢烟水心



求益

夫壻輕拜侯結屋山之阿門前兩松樹烟雨垂青  
蘿十五嫁君時兩心默相宜新粧約共載採採蓮  
花陂羅裙濺秋水愛月歸恒遲紅顏不自耐菱鏡  
少光輝昔者露桃花今者霜草萎夫君自有婦頭  
白悲奚爲

荒燒行新綠江光澹遙滋孤徃信所適倚樹良遠  
思假寐南窓下音容恍見之明月入我屋曾有來  
君時

皙皙西舍兒盈盈東隣女咿咿讀故書軋軋弄新  
杼兩心各有在夢落巫山雨天幸屬行媒母心茲  
未許深深拜團月切切應誰語

韶年事程朱皓首未聞道班馬徒編摩敘述良草  
草比年謝筆硯獨山對貧老胡馬吹北風壯士頭  
白早毛錐撫長劍面壁聊自考鎖鑰知有人長城  
非國寶

孤樹何亭亭附麗生委屬長蘿重陰翳新枝不得  
綠露白霜氣嚴枯萎若轉速撫瑟再三歎手生柱  
傷從綿絡根據深滋蔓相繡束憶昔初種時芳鮮  
美如玉十尋待干霄特標爲扶曲汲灌童僕忘辰



興屢催促石欄互圍繞羸豕虞躑躅事極理當還  
青青覆重屋

榛棘荒臥麟斷礎知誰墓隧門穴狐兔止馬開牧  
路陰風楸栢涼啼鳥白日暮長夜不可晨衣新能  
復故

餘生感飄忽人事草頭露所湏身後名操存在貞  
固咄哉竹林英虛無祖風度禍釁取排墻曠談翻  
襲誤惜陰意中人運甕居情素

五侯際時運事去無交親何當念寒食下馬松間  
墳草屋重江溜長風吹棘薪晴旂動孤戍意徃衰

中人豈無同衣裳道遠難為因

雲濤渺孤屋流盼增霄憂發夕動孤憤夢想逢干  
遊徹桑不自念<sub>心</sub>至長負茲仰空竊靜嘆未已平  
生痴荷衣不入俗蹈海聊心期

策策下庭葉長風送餘悲促織夜孤冷遊子當授  
衣昔比雙鴛鴦今者鴻燕違墨粧覽秋鏡白日消  
光輝妾身如陵馬車前草化為鸞棲願化車前綏

持以備牽挽明出暮將歸君有乳下雛頭白雙重  
闡插羽挾之去纏綴安得飛鬣鬣秦關雲日短不  
可稀別嬾婦所重未夕倚重扉



疾風利如刀戎馬多縮慄况聞夜胡虜鐵騎紛成  
列黃沙暗長城蹴踏天山缺將軍力如虎強箭穿  
七札堂堂報國身誓死家人別奮迅若雷霆分塵  
輕掃滅凱奏謝神謨寬誅荷原察  
商維多回翔泥緘寄黃綺骨肉良草草相顧能復  
爾幕天枕寒流白雲自衾被嗟哉信越圍一覆誰  
能解采采巖中芝委盡良在此  
開宿納遐敞缺月窺羅幃搖光蕩孤枕對月深徘徊  
月缺有時圓人去杳不歸紅顏暗中盡百感將  
為誰願身化遊塵袞袞吹君衣

和蘇子卿效體寄守溪元老

役役歲云暮俯仰時徘徊長鴻何冥冥失侶難因  
依和鳴豈不念知音良獨垂撫樹動遙感秋至無  
好懷繁華變蕭索時過寧不悲野陰日西夕寒蛩  
送餘氣不見盛年好祗見容顏摧試問東逝流到  
海何時歸洞庭今夜月一觴為誰揮願附雙長鬣  
吳山來去飛

旅寓昔去遠叅候多無因結托事先擇邂逅思故  
人言階屬禍始遊走無定身臨緘各情愴相望參  
與辰正聲協金奏文體餘漢秦邇來洞庭上物候



泖然新孤松寄長日胡風為主賓海鄉慰遲暮遙  
憶山中人展轉不可見夢寐神爲親

夙昔感一見顏面看猶疑貯結三十年諒此非壯  
時寒暑歛代謝眠食今何其南來有便羽附書良  
勿辭中抱日耿耿千里幽人期芳草夢楚澤晴曦  
耀華滋采之不盈掬會有相遺時悄然北窓下因  
之懷所思

榮景變衰候桂樹含幽芳因之動孤賞涼吹生我  
堂穆穆影凌亂隨月多江鄉寒鱸正堪膾吳蟹亦  
已霜群動各儔侶鴻燕俱雙翔人生鮮根蒂飄散

時異方沉飲話中曲道徑迂且長纏結重耿耿沉  
沉夜未央庭前兩叢竹殘星流素光





Large characters, likely a title or signature, written vertically in the right margin. The characters are in a traditional Chinese style, possibly reading '大正' (Taisho) at the top and '天正' (Tenmei) below it, though they are partially obscured and difficult to read precisely.



